

# მშენებელი

რედაქცია (ლია 9-2 და 5-7).

საგაზეთო მასალა უნდა იყოს დაწერილი გარკვეულად და ერთ გვერდზე. დაუბეჭდავ წერილებს რედაქცია არ ინახავს.  
მისამართი: ქუთაისი, თფილისის ქ., ფინჩაძის სახლი. ფოსტის ადრესი: ქუთაისი ფოსტის ყუთი № 80.

კანტორა (ლია 9-2 და 5-7).

გაზეთის ფასი: ერთი წლით 50 მან. 3 თვით 180 მ. განცხადების ფასი: სტრიქონი პეტიტისა პირველ გვერდზე 2 მ. უკანასკნელზე 1 მ. 50 კ. სამგლოვიარო განცხადება: საშუალო ზომისა თითოჯერ 50 მ., 12 საათის შემდეგ 70 მ.

## განცხადება.

ქუთაისის ქალაქის გამგეობა მოუწოდებს ვაჭრებსა და მრეწველებს გამოცხადდნ გამგეობის დარბაზში თავიანთ წრიდან წარმომადგენლების ასარჩევად, რომელთაც დაევალება ქალაქის საბჭოს მიერ მიღებული სანიტარული გადასახადის გადამხდლებზედ გაწერა (იხ. საქ. ქალ და მზრ. ერობ. სას. ერთდრ. სანიტ. გადას. შემ. დეკრეტის მე 2 მუხლი) გაწერა უნდა მოხდეს ქვემო აღნიშნულ რიცხვიდან ორი კვირის განმავლობაში. უკეთუ რომელიმე დარგი უარს განაცხადებს გადასახადის განაწილებაზე, ან მათ მიერ განაწილების ნორმებს ქალაქის გამგეობა არ დაეთანხმება, მაშინ თვით გამგეობა განაწილებს თავის მოსაზრებით გადასახადს, რომელიც გადამხდლებს უდავოდ გადახდება.

29 ნოემბერს, დღით შაბათს, 1 საათზე.

1. ავთიაქის მაღაზიები და მედიკამენტებით მოვაჭრენი.
2. ავთიაქები.
3. საკანცელარიო ნივთების მაღაზიები. წიგნის მაღაზიები.
4. წიგნის გამომცემლობანი.

29 ნოემბერს, დღით შაბათს, 6 საათზე.

1. ფქვილით მოვაჭრენი, თევით მოვაჭრენი. ფურნეები და თორნეები.
2. საკანდიტროები, სარძევე და საჩაიე. ყავახანები.

30 ნოემბერს, დღით კვირას, დღის 10 საათზე.

1. ფართლელობით და გალანტერეით მოვაჭრენი.

30 ნოემბერს, დღით კვირას, შუადღის 12 საათზე.

1. ტყავით და ხალჩებით მოვაჭრენი.
2. რკინელობით მოვაჭრენი.

1 დეკემბერს, დღით ორშაბათს, 1 საათზე.

1. რესტორანები, პურ ღვინით მოვაჭრენი, სასადილოები და სახამებები.

1 დეკემბერს, დღით ორშაბათს, საღამოს 6 საათზე.

1. არაყის და სპირტის საწყობები.
2. ღვინის საწყობები.
3. თევზით მოვაჭრენი.
4. გასტრონომიული მაღაზიები.
5. ძეხვების ქარხნები.

(2-2)

დამწუხრებული მეუღლე ეკატერინე გიგოს ასული ლეჟავასი; შვილები: ნატალია აბულაძისა, ოლიმპიდა (პიპია), აკაკი, თამარა, მარუსია და ქეთევანი ლეჟავები; სიძე - კაპიტანი გიორგი ვლადიმერის ძე აბულაძე; ძმა მღვდ. ექვთიმე თედორეს ძე ლეჟავა; ცოლის ძმები: რაქდენ, სიმონ და ტარასი გიგოს ძენი ბაქრაძენი; ცოლის დები: ევსერინა და თეკლე გიგოს ასულინი ბაქრაძენი გულითადის მწუხარებით აუწყებენ ნარესავთ, ნაცნობთ და მეგობრებს უეცრივ გარდაცვალებას ძვირფასის


### მიხაილ (მიხა) თედორეს ძე ლეჟავასი.

დაკრძალვა მოხდება ნოემბრის 30-ს (ან. სტ.), დღით კვირას, ნაშუადღევს 3 1/2 საათზე. გამოსვენება საკუთარი ბინიდან - ბაღის ქუჩა № 8. პანაშვიდები ყოველ დღე საღამოს 5 საათიდან. (3-2).

## ქართული საგაზეთო გამომცემლობა

### „სურათები-ფლაკრები“

გამომცემელი დავ. დონდუა და სიმ. ჯაფარიძე.



დაიბეჭდა და იყიდება ახალი საყმაწვილო წიგნაკი:

№ 5. | უკავი, გუ და გელაქუდა, | ფასი 5 მან.

საწყობი: ქუთაისი, ბალახვანი, მ. დუნდუას საქალო გიმნაზია; თფილისი, ყიფიანის ქ. № 17, ალ. ჯაფარიძე.

კვირას, 30 ნოემბერს, საფირჩხის სასაფლაოს ეკლესიაში გადამხდელი იქნება ორმოცი დღის წირვა და პანაშვიდი განსვენებულ

### ელისაგოდ თედორეს ასულის ნაწარმოის

სულის მოსახსენებლად, რასაც გულდათუთქული ქმარი დავითი და შვილები: ალექსანდრე, ვლადიმერი, თამარი და ტატიანა აუწყებენ ნათესავთ, მეგობართ და ნაცნობთ წირვა დაიწყება დღის 10 საათზე. (2-2)

ღრმად დამწუხრებულნი: ცოლი მარიამი, ცოლის დები ნეონილა შარაბიძისა, ელენა, ცოლის ძმები ივანე, ილია, ნიკოლოზ და ისმაილ თებუაძეები აუწყებენ ნათესავთ, ნაცნობთ და მეგობართ


### გიორგი გუსარიონის ქის გოგონას

გარდაცვალებას. დაკრძალვა მოხდება ხვალ გურიისში. (1-1).

### სიკვირის მიწაში.

სიკვირის მიწების გასაგებად საკმაოდ რისია დავასახელოთ ერთერთი მაგალითი. ფოთიდან იწერებინ (იხ. „ივერია“ 27 ნოემბრ.): „აქ შემოვიდა ინგლისის დიდი გემი, რომელიც 300 000 ფუტს დაიტევს, სხვადასხვა სამანუ- ფაქტურა საქონლით დატვირთული. „კოსმოსის“ საზოგადოება მდიდარი სავაჭრო სამრეწველო ამხანაგობა ყოფილა და საქართველოს დელეგაციასთან შეთანხმებით ჩვენს რესპუბლიკასთან სავაჭრო დამოკიდებულების დაჭერა განუზრახავს და ინგლისის საქართველოს შორის მისვლა-მოს-





# დღიური.

პეტლიურას მდგომარეობა კატასტროფულია. დასავლეთ უკრაინის რესპუბლიკამ ფაქტიურად შესწყვიტა თავის არსებობა. ნარვის მიმართულებით ბოლშევიკები შეტევას განაგრძობენ. კიევის რაიონში დიდი ბრძოლებია, მოხალისენი შეტევაზე გადავიდნენ. ცარიცინის რაიონში დიდი ბრძოლებია. ბოლშევიკები წინ მოიწევენ. ვორონეჟის სამხრეთით ქ. ბობროვი ააღეს. შეიღებანი ქ. კასხილის თავად აირჩიეს.

\* \* \*

ნესტარი: სიძვირის მიზეზი.  
კაინი: ნაკვთები.

ვლისთვის ხუთი დიდი გეკი დაუნიშნავს.

„მაგრამ საქმეს ჩვენი მოუწყობელობა გადაეღობა წინ. სამი კვირა, გემი დგას და ჩვენმა მთავრობამ საქონელი ვერ ჩაიბარა იმისდა მიუხედავად, რომ დღე ღამე გემის გაჩერებაში ოთხასი ათასი მ.ნეთი ჯარიმა ხდება“.

გემის პატრონი იხვეწება: გემი დასცალეთ და მოლაპარაკება შემდეგ გაემართოთ. მაგრამ გემის დაცლა არ მოხერხდა.

კორესპონდენტი ერთში არ არის მართალი. გემი ხომ ტყვილა არ მოგვცემს აქონელს, მაგიერი ხომ უნდა გაიტანოს რამე!

გემი, რომელიც 300,000 ფუტს იტევს, ცალიერი ხომ არ გაბრუნდება!

ვთქვათ, სამასი ათასი ფუთი „შავი ქვა“ მოგვთხოვა ამდენი ტვირთვის გემში ჩაყრას ფოთის მუშათა ამქარი (100 კაცი) ხომ ერთს წელიწადს მოუნდება! გემი კი ორ კვირისაქარ მოიცდის.

აი სად მარხია სიძვირის მიზეზი.

ღიალ! ვიდრე ფოთში იმდენი მუშა არ გვეყოლება, რომელიც ოკეანეს დიდი გემების დატვირთვის შესძლებს, სიძვირეს ბოლო არ მოელება!

ახისა და ორასიმუშით ევროპასთან საგაქრო დამოკიდებულების დაქერა, — შეუძლებელია!

მაშ მთავრობამ უპირველესად შრომის საქმე ფოთში უნდა მოაწყოს ჯეროვანად.

ღიალ! ვიდრე ეს საქმე მოუწყობელი იქნება, ჩვენი ფინანსური და ეკონომიური მდგომარეობა სულ უარესი და უარესი შეიქნება.

**ნესტარი.**

## პრესა.

დენიკინისა და ყუბანის შორის მომხდარ კონფლიქტზედ გაზ. „ივერია“ შემდეგს სწერს:

„ღღეს დღეობით აშკარაა, რომ ამ კონფლიქტს შეიძლება ისტორიული და გადამწყვეტი როლი ერგოს რუსეთის ცხოვრებაში.“

როგორც დეპუტეები გადმოგვცემენ დენიკინის გენერალს ვრანგელს ეკატერინოლარში დაუტყვევებია ყუბანის რადის წარმომადგენელი: კოლომუხოვი, მაკარენკო, ომელჩენკო და სხვები, თანაც სამხედრო საველე სასამართლოსთვის გადაუცია — სასამართლოს სა-

ქმე გაურჩევია და კოლომუხოვისთვის სიკვდილით დასჯა გადაწყვეტია. განაჩენი დაუმტკიცებია გენერალ პუკოვსკის და 20 ნომერს სისრულეში მოუყვანიათ კიდეც.

ამ აქტიდან აშკარად ხანს, რომ მოხალისეთა არმიისა და ყუბანის შორის კონფლიქტმა კრიზისს მიაღწია; ახლა შეჩერება არ შეიძლება.

როგორც ვიცით ყუბანი იყო პირველი ადგილი საიდანაც დაიწყო მოხალისეთა არმიის შეკრება, პირველად ეკატერინოლარში მიიღო გენერალი ალექსეიევი და მის განკარგულებაში მისცა ყუბანმა თავისი ჯარი.

აქედან დაიწყო მოხალისეთა არმიის წარმატება — ყუბანის რადა დარწმუნებული იყო, რომ მოხალისეთა არმია აღადგენდა რუსეთს დემოკრატიულ საჭუფველზე. და ამისთვის ყოველ საშუალებით უჭერდა მხარს მოხალისეებს; მაგრამ თანდათან ძველმა გენერლებმა გამოაჩინეს თავიანთი დამპყრობელი ინსტიტუტები — ისინი მხოლოდ ცარიზმის რესტავრაციის იმედით ცხოვრობდნენ და როგორც კი ფრონტზე ცოტათი გაიმარჯვეს აშკარათ შეუდგნენ თავიანთ გემის განხორციელებას.

ასეთ გულ-ახდილმა პოლიტიკამ გამოიწვია აჯანყებანი, დენიკინის წინააღმდეგ. ჯერ კიევიში შემდეგ სხვა ქალაქებში და ბოლოს ეს აჯანყება მისწვდა, მოხალისეთა სათავეს და მის ზურგს ყუბანს.

ყუბანის რადის კიდეც სჯერა, რომ შეიძლება დემოკრატიული რუსეთის აღდგენა — ამისთვის იბრძვის მისი დელეგაცია პარიზში — ბიჩის მეთაურობით — მხოლოდ ამ იდეის შატარებელთ გენერალი ვრანგელი სიკვდილით სჯის ეკატერინოლარში.

რასაკვირველია გენერალი ვრანგელი ვერ გაუბედავდა ყუბანის დელეგატებს ასეთ მოპყრობას, რომ აქ ადგილი არ ჰქონდეს ერთ პირობას:

ყუბანის ჯარი იბრძვის დენიკინის ლაშქარში, ყუბანის რადამ თვითონ მისცა მტერს ეს იარაღი. კონფლიქტის გადაწყვეტაში მნიშვნელობა ექნება, თუ ვისკენ იქნება ეს ჯარი. თუ ყუბანის რადა ვერ იპოვის გამოძახილს თავისივე ჯარში, გენერალი ვრანგელი კიდეც სხვა ყუბანის დე-

ლეგატსაც ჩამოახრობს, მაგრამ როგორც არ უნდა იყოს საქმე ერთი აშკარაა: დენიკინის პოლიტიკური პრესტიჟი დაეცა და მოხალისეთა არმია უკვე გაიბზარა.

## უცხოეთი

ახეზაიჯანი  
იტალიის ბანკი ბაქოში.

ამ ხანებში ბაქოში დაარსებულ იტალიის ვადამხურდავებლომა ბანკმა, თავისი განყოფილება გახსნათბილისში და ბათუმში. ბანკი ემსახურება იტალიისა და კავკასიის შორის მჭიდრო ეკონომიურ კავშირის საბზოს.

**ქართულ ეროვნულ საბჭოში**  
ქართულ ეროვნულ საბჭომ უკვე დაიწყო ენერგიული მუშაობა სკოლის საქმეებში. საამისოდ კიდეც მიჰპართეს ადგილობრივ მცხოვრებლებს ბავშვების სასწავლებელში მიბარების შესახებ.

**რუსეთი**  
რამდენ ხანს გასტანს ბოლშევიკური მთავრობა?

ფინეთში მყოფ მაქსიმ გორკიმ განაცხადა, რომ საბჭოთა რუსეთის დიკტატურა სამ თვეზე მეტს ვერ გასტანს. ლენინმა ყოველგვარი ნდობა დაჰკარგა ხალხში.

**იტალია**  
იტალიის პალატაში.

იტალიის პალატაში აპირებენ მემარცხენე პარტიების ბლოკის შექმნას 77 რადიკალისგან, 22 სოციალისტისგან, და 15 რესპუბლიკანი-საგან ბისოლიტის ლიდრობით.

**ნიტონის გადაღობა.**

იტალიის სავარგო საქმეთა მინისტრი ნიტონი გადადგა. მის ადგილას მალოია დაინიშნა.

**ოსმალეთი**

ეროვნული მოძრაობა ოსმალეთში.  
გაზ. „ურუი დე დება“ სწერს შემდეგს:

„ოსმალეთის დაყოფის მუქარამ ანატოლიაში ეროვნული მოძრაობა გამოიწვია.“

თურქები უფულონი არ არიან ბრძოლის გასაწყვეად. „იტტიპატს“ პარტიას გადასახადები გაუწერია. მუსტაფა ჯემალს რეგულიარული ჯარები შეუდგენია. რაც შეეხება ეროვნულ ძალებს, ეს ძალები შესდგებიან მუსტაფა ჯემალის კაცები-საგან რიკხულათ 500,000 მდე, როგორც თვით მუსტაფამ გადმოგვცა ჩვენ, მისი მხედრები ეომებიან იზმირის ასპარეზზე ბერძნებს, და ბათონის მხარეს და სომხეთშიაც 50-60,000 ქურთები მზად არიან იბრძოლონ. მათ მოწოდებაც კი გამოსცეს მოხალისეთა მოსაგროვებლად. ამისთანავე მათ დიდძალი იარაღი აქვთ დეტოვებული გერმანელებისაგან. და ამ ეროვნულ მოძრაობას გარედანაც აქეზებენ. ბერლინში არსებულ ერთ კომიტეტს კავშირი აქვს სტამბოლთან და ანატოლიასთან. გერმანელებს იმედი აქვთ რომ ისევ დაუბრუნდებიან ოსმალეთს. თუ მის სათავეში ახალგაზდა თურქები ჩადგებიან.

**დიარბექირის ასაღებად.**

სტამბოლის ვაზეთების სიტყვით სა-

ფრანგეთი ჰგზავნის 10,000 ჯარისკაცს ქ. დიარბექირის დასაქვრად. თანახმად 1916 წლის კონვენტიკრულობისა.

ი ა პ ო ნ ი ა

იაპონია და ამირბარი კოლჩაკი.  
იაპონიის მთავრობის მთავარწმუ ნებული ამირბარი კატო, კოლჩაკის ბანაკში მივიდა მოსალაპარაკებლად.

**ამერიკა**

ნიუორკის შტატის მთავრობის უკანასკნელ არჩევნებში, რესპუბლიკანელებმა დიდი უმრავლესობით გაიმარჯვეს დემოკრატიულ პარტიებზე.

**ბელგია**

მსოფლიო სატახტო ქალაქი.

„ხალხთა ლიგის“ რეზიდენცია ენევიდან ბრიუსელში გამოაქვთ. რეზიდენცია მოთავსდება ჰერცოგ არენბერგის მამულში. სატახტო ქალაქი აშენებული იქნება საერთაშორისო სტილზე, რომლის გეგმაც ამერიკულ ხუროთმოძღვრებს ჯერ კიდევ ომამდე ჰქონდათ შედგენილი.

**გერმანია**

ვილჰელმ II-ს ჰსურს გერმანიაში იცხოვროს.

ბერლინიდან იუწყებიან, რომ პრინცმა ჰენრიხ ჰოგენცოლლენმა შუამდგომლობა აღძრა პრეზიდენტ ებერტის წინაშე, რათა ნება დაჰართონ ვილჰელმ მე-II-ს გერმანიის ტერიტორიაზე იცხოვროს პრეზიდენტის პასუხი ჯერ არ ვუწყით.

**პოლონეთი**

ლონდონიდან იუწყებიან, რომ ყველა სადაო საკითხები პოლონეთსა და ბოჰემიას შორის ახლა მშვიდობიანი გზით სწყდება. ჩეხო-სლოვაკთა მთავრობამ გამოსთქვა სურვილი გადასცეს პოლონეთს მქოდის სამუნიციონო ქარხნები. ეს კი მნიშნავს ჩეხო-სლოვაკიის სურვილს, რომ ყველა გაუგებრობანი გადაწყდეს დიპლომატიური გზით. („ურუნ. დ'ორიანი“.)

## უკანასკნელი სმოგები

აგევის დაპატიმრება. გაზ. „კუმ. ზემ“. ცნობით ნოვოჩერკასკში შეიპყრეს, ჯარების ატამანის გენ. ბოგავესკის ბრძანებით, დონის კრუმის წვერი, პავლე აგევი, იმ წერილის გამო, რომელიც მან მოათავსა გაზ. „ვოლხი კუმანში“.

მოხალისეთა სარდლობისა და პოლონეთს შორის შეთანხმება მოხდა ბოლშევიკების წინააღმდეგ საბრძოლველად. ამ შეთანხმების ძალით მოხალისეთა ჯარის მარცხენა ფრთა შეუერთდება პოლონელების ჯარების მარჯვენა ნაწილს. ჟიტომირსა და კოროსტენს შუა დაიწყება შეერთებულ ძალებით ბრძოლა ბოლშევიკების წინააღმდეგ.

შეფილდში ლლოიდ ჯორჯმა სთქვა რომ დღემდე 4 მილიონი ჯარისკაცის დემობილიზაცია უკვე მოხდაო. 92 1/2 ჯარისკაცს მიეცა სამუ-

მისი ხუთჯერ მეტი მიჯდება ვინემ თვითონ ღირს.

— შეუძლებელია. დაუყვირა მოურავმა.

უწყინარი მოქალაქე გზას გაუდგა. ბევრი იფიქრა, ბევრი რჩევა გამოთხოვა და ბოლოს საშუალებაც გამოიგონა.

ერთს უმთვარო ღამეში მან ჩამოიარა მეზობლები და ყველა გააფრთხილა: —

— გრიღეთ ცეცხლს!..

თვითონ კი თავის სახლს გადაასხა წავთი და ცეცხლი წაუქიდა.

სახლი დაიფრთხლა.

ეზო ბალით ქიათურის ქალაქის თვითმართველობას დარჩა.

უწყინარი მოქალაქე კი გადარჩა ზედმეტ ხარჯებს.

და ეხლა ეძებს მყუდრო ოჯახს ვით ონოფრე, რომ თავი შეაფაროს.

არავინ იცის საქართველოს დემოკრატიულ რესპუბლიკაში დღეს გამოინახება მყუდრო ოჯახი თუ არა, მაგრამ დანამდილებით ამბობენ, რომ, ბევრი მოქალაქე ფიქრობს თავის ქონებას ცეცხლი წაუქიდას, რომ ზედმეტი ხარჯებიდან თავი დაახსროს.

კაინი.

### საქონლის უაპოზიდვა.

ფოთიდან გვწერენ: 22 ნოემბერს ფოთის ნავთსადგურში შემოვიდა ინგლისის გემი „კოსმოსი“. ეს პირველი შემთხვევა არის, რომ უცხოეთის ოკეანის გემი ჩვენს ნავთსადგურში შემოდის. ეს გემი 300,000 ფუთის ტვირთს იტევს და ეკუთვნის ინგლისის ერთს დიდს საზოგადოებას, რომელსაც განუზრახავს საქართველოსთან საქონლის გაცვლა-გამოცვლის წარმოება და ამისთვის ხუთი თვისი გემი სპეციალურად საქართველოსა და ინგლის შორის რეისებისთვის დაუნიშნავეთ პირველი გემი უკვე გავიდა ფოთში საქონლით დატვირთული. გემს მოუტანია 300 400 მილიონი მანეთის ყოველ გვარი საქონელი. თოფი ჩითი, ბიანი მიტკალი, მაუდები იაფა შეკერილი ტანსამოსი, როგორც ვაჟთათვის ისე ქალებისა და ბავშვებისთვის, ფეხსაცმელი ყოველნაირი, იაფი ტილოები და საზოგადოთ ყოველნაირი მანუფაქტურა, გემზე მრავლად ყოფილა აგრეთვე ყოველნაირი სასოფლო მეურნეობის საიარაღი, საღებავი, საზეინკალი და სხ. ინსტრუმენტები, ტყავიულობა და სხვ.

როგორც გადმოგვცემენ „კოსმოსის“ საზოგადოებას მოლაპარაკება ჰქონდა ჩვენს დელეგაციასთან ევროპაში და დელეგაციის რამოდენიმე წევრი სპეციალურად გამგზავრებულია ინგლისში ამ სავაჭრო საზოგადოების წარმოებათა გასაცნობად. იქ ისინი გაეცნობიან ამ საზოგადოების სამრეწველო საქმეებს. ჩვენს დელეგაციას წინასწარი ხელშეკრულობაც დაუდევს ამ საზოგადოებასთან.

როგორც გავიგეთ, სერიოზულად დაწყებული საქმე აქ უკვე ვეღარ

ჰპოულობს სერიოზულს მოპყრობას. კოსმოსის წარმომადგენლები თურმე სამი კვირის განმავლობაში აწარმოებენ მოლაპარაკებას მთავრობასთან შესახებ შემოტანილი საქონლისა მერამ დღემდე გარკვეულ პასუხს ვერღებულობდენ. წინადადება მიუციათ-საქონელი გადმოცვალეთ და პირობებზე მერე ვილაპარაკებთო. გემის გაჩერება დღე ღამეში თურმე 400,000 მან. ჯდება. ეს საქონელს აძვირებს, თუ კოსმოსის პირობები მიუღებელია, მომარაგების სამინისტრომ უნდა უარყოს ის, ან თვით წარუდგინოს თავისი გარკვეული წინადადება როგორი წარმოდგენის უნდა იქნენ ჩვენს შესახებ უცხოელები, თუ ასეთი უთავბოლო და არა საქმიანი მოპყრობა ნახეს ჩვენში. რამდენად საზარალოა პოლიტიკურად და ეკონომიურად ასეთი მოქცევა? ნუთუ ესეც ვერ შეუგნიათ!

### იტალია და საქართველო.

კონსტანტინოპოლიდან ფოთში ჩამოვიდა გემი „ანატოლი ფერო“, რომელმაც ჩამოიტანა 280 მილიონი მანეთის ღირებულის მასალა. საქონელი ეკუთვნის იტალიურ ფირმას აიგანდოს და მარშანს, წამოღებულია გენუიდან და ეკუთვნის საქართველოს მთავრობას.

### ბრძოლა ანარქიზმთან.

(ოფიციალი)

თბილისი. გიორგობისთვის 27. გიორგობისთვის 10-იდან 25-მდე გორის მაზრის გვარდიისა და ჯარის ნაწილების საგანგებო სასამართლოს გადაწყვეტილებით დახვრიტეს შემდეგი პირები: 1) მეჯვრისხევის ამბოხების მეთაური სამხედრო კომუნისტურ სარაიონო შტაბის თავმჯდომარე გეორგი მის. შახნაზარიანი; 2) კავკასიის კომუნისტების შტაბის ინსტრუქტორი, ოსეთის სოფლებში აჯანყების მომწყობი და ხცისის საზ. ბაში და რბევის მეთაური თერგის ოლქის სოფ. კარაგანის მცხოვრები ზნაურ ზაქ. ჰაიდაროვი; 3) ხცისის შეიარაღებულ კომუნისტთა რაზმის მეთაური ს. ჯაგანიონთარის (ქარელის რაიონი.) მცხოვრები ბესარიონ გიორგის ძე თიბილაშვილი; 4) ს. ახალქალაქზე დამცემი და ერობისა და კომისარიატის დამრბევი ს. ხოვლეს შეიარაღებულ ბანდის მეთაური შაქრო ბაქოას ძე მეცხვარიშვილი; 5) არტემ იოსების ძე ხუცოშვილი „ბოლშევიკ გიორგის ბიჭი“-ს სახელწოდებით. ახალქალაქში გამოსვლის ხელმძღვანელი. 6) ს. ხოვლეს მცხოვრები სანდრო ზაქ. გალუსტოვი, ამისთვისვე; 7) იაკობ იოს. ზარაფიანი. ს. მეჯვირისხევი შეიარაღებულ გამოსვლისათვის და კომუნისტთა სამხედრო სარევილიუციო შტაბის მოწყობისათვის. 8) ს. თელეთის მცხოვრები (სურამის რაიონი) მილიციონერი ეფრემ დავითის ძე ჩადუნელი; არსენალომიძის თარეშთან შეერთების გამო მილიციონერი ივანე იოსების ძე კორკოტაძე; ბრალდებული ასეთივე საქმეებში.

### იმერეთის არის ვაჭრობის ისტორიიდან.

#### პეტრე იოსების ძე გოკიელი.

საერთოთ იმერეთში და კერძოთ ქუთაისში აღებ-მიცემობა და ვაჭრობა გავრცელებულ და აღორძინებულ იქმნა სოლომონ მეფის დროს. იმერეთის ვაჭრობას დიდათ უწყობდენ ხელს ახალციხელი ქართველკათოლიკეთა ვაჭრები.

ახალციხე და მის თემის სოფლებიდან ქართველი კათოლიკეთ ვაჭრებმა მრავლათ იწყეს ქუთაისში გადმოსახლება, რომელთაც სოლომონ I მეფეც დიდს მფარველობას და ქომავობას უწყევდა.

სულ ეს გარემოება გახდა იმის მთავარ მიზეზთ, რომ ქუთაისში, მესხელ-ჯავახელი ქართველ კათოლიკეთ ვაჭრებმა დიდის რიცხვით იწყეს აღორძინება და გავრცელება.

სწორეთ ამ დროს გეუთენის, იმერთ შორის სოფ. გოკიდან გადმოსვლა ქართველ კათოლიკეთ ვაჭრების, რომელ ვაჭართა შთამომავალიც გახლავთ ახლათ გარდაცვალებული ქართველი კათოლიკე, პეტრე იოსების ძე გოკიელი.

პეტრეს წინაპრებმა ქუთაისში ისე გაითქვეს ვაჭრობით სახელი, რომ მთელს იმერეთში საერთოთ და კერძოთ ქუთაისში ვაჭრობით და აღებ-მიცემით ბევრი არავინ სჯობდათ.

პეტრე იოსების ძე იყო ღირსეული წევრი და საუკეთესო მოქალაქე, თავის წინაპრებისა. მისი აღებ-მიცემა ქუთაისში იყო სახელოვანი და საყურადღებო მისს სავაჭრო ასპარეზზე, იგი თავის სავაჭროში დიდის ზომიერებით და სიფრთხილით იკავდა სავაჭრო მაზანდას და მისი ასეთი საქციელი და ღირსებაც მთელს ვაჭრებში საკმარისად აღზოველებდა საქონლის გაძვირების სიფრთხილეს და ამის შესახებ ცდასა და სავაჭრო შრომასაც რომ საქონელი არ გაძვირებულყო.

ეს სიფრთხილე გაძვირების შესახებ საყურადღებოა და პატივ-საცემი ჩვენს დროში.

მისი მარტივი ცდა იყო ყოველთვის იმაზედ მიმართული, რომ რაც შეიძლება ყველგან და ყველა სავაჭროებში საქონლის სიძვირე და ამის მომატება არავისაგან ფასის გაზვიადებით არ ყოფილიყოს. განსვენებულს ყოველთვის ამის წადილი დიდათ აღარდებდა და აღონებდა, მაგრამ ერთი კაცი რას იზამდა უმარგლესობის წინაშე.

ასეთი პირები ვაჭრობის ასპარეზზე ჩვენში სანთლით საძებარია და მეტათ იშვიათი.

ამიტომაც იყო, რომ განსვენებულის სავაჭროში მოიპოვებოდა იშვიათი საქონელიც კი. ეს გარემოება იყო იმის ცხადი საბუთი, რომ რაც შეიძლება საქონლის ფასის ზომიერება კანონს გადასული არ ყოფილიყოს.

პეტრე იოსების ძე დაიბად 1871 წ. პირველ-დაწყებითი სწავლა ახალციხეში მიიღო. მერე სწავლობდა ქუთაისის სამოქალაქო სკოლაში და შემდეგ ამისა სწავლა დაამთავრა თფილისში საბუნებალტერო სწავლებელში.

ვაჭრობა დაიწყო 1887 წლებს,

ქუთაისში. დასახლდა 1891 წ. გარდაიცვალა 17 ნოემბერს, 1919 წ.

განსვენებულს ქუთაისის საზოგადოება კარგათ იცნობდა და მხელათ რომ მთელს ქუთაისში იქონის სიყვით ვინმე, ვისაც პეტრე იოსების ძის ვაჭრობის და აღებ-მიცემობის რაიმე ძრახვა ახსოვდეს. იგი გადაიცვალა ყველასაგან პატივცემული და როგორც ქებული ადამიანი ყველა სავაჭრო საქმეებში.

ზ. კ.

### კორესპონდენცია.

ქიათურა. ქიათურა ერთ დროს დაბათ ცნობილი, დღეს უკვე ქალაქია. და შეიძლება ითქვას რომ ქალაქი ბევრათ უფრო დაწინაურებული და აღებ-მიცემობით მდიდარი, ვიდრე ის ქალაქები რომლებიც რევოლუციის წინა დღეებში დაბეზა ითვლებოდა. ქიათურას მდებარეობა ხელს არ უწყობს რომ ეს ქალაქი გაიზარდოს. იგი ყოველი მხრიდან გამოწყვედულია კლდეებში და გასაზრდელი ალაგი სრულიად არსად აქვს. ქიათურას არ ემჩნევა ის სიბნელე, რომლითაც არის გარემოცული სხვა მეორე ხარისხოვანი ქალაქები. ელექტრონის ძალა მთელი ქალაქისთვის სამყოფია.

ქიათურა ის ქალაქია რომელსაც მთელი ევროპა იცნობს. ქიათურის შავქვაზე ბევრს აქვს თვალები გამოხელილი, მაგრამ ჩვენსა საუბედუროთ არამც თუ სხვას ვერ ვასარგებლობთ, ჩვენც ვერ ვსარგებლობთ. რევოლუციის შემდეგ შავი ქვის მუშაობა მიძინებულია. შავი ქვა ღირებულებით ოქროს უდრის და ჩვენ იგი მიწიდან არ გამოგვაქვს, არამც თუ არ გამოგვაქვს, კრუთხეულ დროს გამოტანილიც ისე გვიყრია, რომ მიმკარებელი კაცი არ არის. დღევანდელ პირობებში მისი ადგილიდან დანძრევა და საზღვარ გარეთ გადატანა შეუძლებელი შეიქნა. ჯერ ხომ გემზე დატვირთვის უაღრესად მდიდარი სახელმწიფო ვერ შესძლებს მერე აქ ვაგონების ავსებასაც საზღაპრო ფასი აქვს. მუშა ყველას გვიყვარს, მუშა ყველას გვიკირდება, მაგრამ ყველაფერს ზომა აქვს. საქიროა ამ გარემოებას მიექცეს უფრადლება, თორემ ევროპელების სასაცილო მალე გავხდებით.

შკოლებიც მრავლად არის ქიათურაში. გაიხსნა გიმნაზიები, პირველ დაწყებითი სასწავლებლები და ამან დიდათ გაანათლა გარშემოსოფლები. ვისაც საშუალება აქვს ქიათურაში ცხოვრობს. ვინც მახლობელ სოფლებშია, მაგ. კაცრიდან, რგონიდან და სხვა სოფლებიდან მოწაფეები სახლებიდან დაიან. ამ მხრივ დიდი ღვაწლი მიუძღვის ქალაქის გამგეობას, და იხედა არც აწი მოაკლებს წყალობის ხელს ქალაქის გამგეობა ქიათურლებს.

გიგლა.

რედაქტორი სარედაქციო კოლეგია.